

## Ա. Պ. ՓՈԼԱԴՅԱՆ

### ՔՐԴԵՐԻ ԱՐԱՐԱԿԱՆ ԾԱԳՄԱՆ ՄԻՋՆԱԴԱՐՅԱՆ ՎԱՐԿԱԾԻ ՇՈՒՐՋԸ

#### (ըստ աղբյուրական աղբյուրների)

Արաբական նվաճողական արշավանքների ավարտից հետո զգալիորեն մեծացավ արաբների հետաքրքրությունը խալիֆայության հպատակ ժողովուրդների և երկրների պատմության ու մշակույթի նկատմամբ: Եթե առաջին շորս խալիֆաների (632—661 թթ.) և Օմայանների (661—750 թթ.) օրոք հասկանալի պատճառներով արաբները հստակ պատկերացում չունեին նվաճված տարածքների և նրանց բնակիչների մասին, ապա Բաղդադի Աբրահայան դինաստիայի (749—1258 թթ.) տիրապետության ժամանակաշրջանում, ելնելով արքունիքի ռազմաքաղաքական և տնտեսական շահերից, քիչ թե շատ փոխվեց իրավիճակը: Այս շրջանում սկզբնավորվող (հիմնականում VIII դ.) արաբական պատմաաշխարհագրական գրավոր բազմաթիվ սկզբնաղբյուրներում, բացի խալիֆայության ռազմաքաղաքական անցուղիների ու լաշկար-հազրական մանրամասն նկարագրություններից, փորձեր են կատարվել նաև հպատակ մի շարք ժողովուրդների էթնիկական ծագումն ու ձևավորումը մեկնաբանելու ուղղությամբ: Պետք է ենթադրել, որ այս երևույթը պատահական բնույթ չէր կրում և բխում էր արաբական խալիֆայության ընդհանուր քաղաքականությունից, որի նպատակն էր հիմնավորել խալիֆայության տիրապետության «օրինականությունը» արաբների և հպատակ ժողովուրդների կարծեցյալ էթնիկական ընդհանրությունները: Ժողովուրդների էթնիկական ծագման հարցերի շահադետ պարզաբանումները արաբ միջնադարյան գործիչների կողմից կոչված էին ծառայելու ոչ միայն արաբական տիրապետության ամրապնդման, այլև իսլամի՝ նոր կրոնի տարածման նպատակին: Ուստի մահմեդական միջնադարի գրեթե բոլոր հեղինակներն այս հարցում ևս մեծապես դիմել են Աստվածաշնչի և դիցաբանության ավանդություն-

սերի նյութերին, առաջ քաշելով որոշ ժողովուրդների ինչպես արարական, այնպես էլ սեմական ծագումով:

Այս տեսանկյունից արար հեղինակների ուշադրությունից չէին կարող վրիպել իրանական ժողովուրդները, դրանց թվում, մասնավորապես, քրդերը: Ովքեր են եղել քրդերի նախահայրերը և երբևէն ինչ են նրանք «բուրդ» անվան տակ հանդես եկել պատմության թատերաբեմում: Այդ մասին էլ արաբ հեղինակները հավաքել և գրառել են մի քանի վարկածներ:

Քրդերի էթնիկական ծագման պրոբլեմը, ինչպես ցույց է տալիս արաբական պատմաաշխարհագրական գրականության ուսումնասիրությունը, ի տարբերություն խալիֆայության մյուս ժողովուրդների, առավել լրջորեն է մտահոգել արաբ հեղինակներին: Պետք է ենթադրել, որ այս հանգամանքը մասամբ կապված էր այն փաստի հետ, որ քրդերը ապրելով աշխարհագրական կարևոր դիրք ունեցող տարածքների վրա, զգալի դեր էին խաղում արևելյան խալիֆայության ռազմաքաղաքական կյանքում:

Մեր տրամադրության տակ եղած նյութերը ցույց են տալիս, որ քրդերի էթնիկական ծագման պրոբլեմը արաբական սկզբնաղբյուրներում ունեցել է տեղական պատմություն և շոշափվել է մոտավորապես VIII դ.: Ինչպես արդեն նշվեց, հայտնի պատճառներով արաբ հեղինակները աշխատում էին հիմնավորել քրդերի արաբական ծագման գաղափարը, որը արտացոլվել է քրդագիտական որոշ գործերի մեջ: Դրան, օրինակ, թուուցիկ կերպով անդրադարձել են Ն. Մառը, Վ. Նիկիտինը, Վ. Մինորսկին, Մ. Զաքին, Մ. Օրանգը, Ռ. Յասիմին, Ռ. ալ-Ֆիրը, և ուրիշներ:

Սույն վարկածին հատուկ հոգված է նվիրել սովետահայ քրդագետ Գ. Ակոպովը<sup>2</sup>: Մակայն ընդհանուր գծերով ներկայացվելով քրդերի արաբական ծագման վարկածը, նրա տեսադաշտից դուրս են մնացել արաբ մատենագիրների և աշխարհագիրների զգալի նյութեր: Բացի այդ, իր շարադրանքում բավարարվելով հայտնի մի քանի վկայակոչություններով, Գ. Ակոպովը վերլուծել է զուտ էթնիկական կարգի խնդիրներ, կանգ է առել առանձին էթնոնիմների վրա<sup>3</sup>:

Ներկա հոգվածը շարադրելու համար օգտագործվել են IX—XV դդ. արաբալեզու աղբյուրների նյութերը, որոնց զգալի մասը գիտական շրջանառության մեջ է դրվում առաջին անգամ: Այդ նյութերի լույսի ներքո վարկածը դիտվում է գիտական նոր կողմով, վեր են հանվում նրա առաջացման և գոյատևման դրդապատճառները:

Քրդերի արաբական ծագման միջնադարյան վարկածին, որքան հայտնի է մեզ, առաջին անգամ անդրադարձել է հայտնի ծագումնաբան, մի քանի գործերի հեղինակ Սուհայմ իբն Հաֆսս Աբու ալ-Յակզ-զանը<sup>4</sup> (VIII դ.): Աբու ալ-Յակզզանի (որի աշխատությունները մեզ չեն հասել) այդ հիշատակությունը արաբ հեղինակները մատնանշել են քրդերի ծագման առնչությամբ<sup>5</sup>: Նրանց տվյալներով Աբու ալ-Յակզզանն իր «Մեծ ծագումնաբանություն» (Քիթաբ ան-նասս ալ-քաբիր) գրքում ընդգծել է, որ իբր քրդերի նախահայրն է ոմն «Քուրդ իբն Օմար իբն Ամր իբն Սաասաա»<sup>6</sup>: Այս ծագումնաբանությունը որոշ հավելումներով և փոփոխություններով տեղ է գտել հետագա դարերի արաբական աղբյուրներում: Օրինակ VIII—IX դդ. հեղինակ Հիշամ ալ-Քալբին (իբն ալ-Քալբին) իր նույնանուն երկում (Քիթաբ ան-նասս ալ-քաբիր), որը նույնպես նվիրված է արաբական ցեղերի տոհմաբանությանը, առաջ է քաշում քրդերի ծագման նոր տարբերակ: Նրա կարծիքով քրդերի նախահայրն է «Քուրդ իբն Օմար Ամր Մա աս-Սամա»-ն<sup>7</sup>: Երբեմն Մա աս-Սամայի փոխարեն «Ամրու Մուզայիկյա»<sup>8</sup>, որոնք, ըստ արաբ. ծագումնաբանության, նույն անձն են:

Արաբ հեղինակներին ամենից առաջ հետաքրքրել է «քուրդ» էթնոնիմը, որի բացատրության ճանապարհին սխոլաստիկ գազափարախոսությունը՝ կրոնական ավանդությունները մղել է իդեալիստական հիմնավորման: «Քուրդ» տերմինը, դիտելով որպես առանձին էթնիկական խմբի ինքնանվանում, նրա մեջ մարմնավորվել են այդ անունը կրող առասպելական մի մարդու (քուրդ), որի անունով էլ, իբր թե, նրա սերունդը կոչվեց քուրդ, «الكردي — քրդեր — كرد» (հոգ. թիվ. աքրադ): Այս մեկնաբանության հիմնավորման համար արաբ հեղինակները դիմել են նախախլամական շրջանում ոչ լայն տարածում ստացած «Քուրդ» كُرد անձնանվանը:

Աբու ալ-Յակզզանի և ալ-Քալբիի տարբերակներում քուրդ անձնանվանը հաջորդող անունները մեզ տանում են հեռու՝ կլամայից առնչվելով բուն արաբական էթնոսի խնդիրների հետ: Միջնադարյան արաբ հեղինակների պատկերացումներով արաբների էթնիկական բաղադրամասերը կազմված են եղել երկու հիմնական խմբերից, որոնք առասպելական լինելով՝ ունեն աստվածաշնչային երանգներ: Ըստ այդ տվյալների, հյուսիսային արաբների նահապետը Իսմայիլն է, աստվածաշնչային Աբրահամի որդին, իսկ հարավային արաբներինը՝ Յակթանը (Կահթանը): Այս երկու խմբերից առաջինը համարվում է արա-

յուսացած արաբ (ալ-արար ալ-մուսթաարիբա), իսկ երկրորդը իսկական արաբ (ալ-արաբ ալ-արիբա)<sup>9</sup>։ Նրանց մեջ մտնող բազմաթիվ ցեղերն ու ցեղային միությունները ունեին իրենց անվանումները, որոնք հետորգհետե տարածվելով արաբական թերակղզում վերանվանվեցին նոր անուններով<sup>10</sup>։

Քրդերի արաբական ծագման հարցում առաջարկած տոհմածառերը իրենց տարբերակներով վերաբերում են երկու խմբերին էլ։ Օրինակ, Աբու ալ-Յակզղանի տարբերակում բերված անունները մտնում են Մուղդար ցեղային միավորման մեջ, որը համարվել է արաբացած արար<sup>11</sup>, իսկ ալ-Փալբիի տարբերակի անուններին հանդիպում ենք իսկական արաբների տոհմածառի մեջ<sup>12</sup>։

Արաբական աղբյուրներում այս տարբերակները հետգհետե ճյուղավորվել և ավելացվել են նոր անուններով, որոնց երբեմն չենք հանդիպում արաբական տոհմաբանությանը նվիրված հիմնական գործերում։ Օրինակ, Իբն Դուրայդը (IX դ.) նույնպես նշելով քրդերի արարական ծագումը, նրանց նախահայրն է համարել Քուրդ իբն Մարդ։ Իբն Օմար իբն Ամր-ին<sup>13</sup>։ Ինչպես երեւում է այս տարբերակում, Մարդը նոր անուն է։ Սուլեյ տոհմաբանությունը որոշ անունների նմանություն մը հանդիպում է Իբն ալ-Ջավանիի, ալ-Արկաթիի և այլոց գործերում։ Քրդերին համարելով արաբ այս խոշոր ցեղային միության մի ճյուղ, նրանք տալիս են ամբողջ տոհմածառը ընդհուպ մինչև արաբացած արաբների առասպելական Ադնան նախահորը։ Այդ ծագումնաբանության համաձայն քրդերը համարվում են Քուրդ իբն Ամրու իբն Սաասաա իբն Մուավիյա իբն Բաքր իբն Հավադին իբն Մանսուր իբն Աքրամա իբն Խաֆսա իբն Կայս իբն Ալլան իբն Մուղդար իբն Նիզար իբն Մաադ իբն Ադնան-ի սերունդը<sup>14</sup>։ Իսկ իբն Ռասուլն իր հերթին, որոշ չափով կրկնելով Աբու ալ-Յակզղանին, ընդգծում է, որ նրանք ՔՍաասաա վասիկ իբն Մունաբահ-ի սերունդն են<sup>15</sup>։

Մահմեդական միջնադարում մշակված այլևայլ տարբերակներ գրի է առել եգիպտացի պատմիչ ալ-Մակրիզին։ Հստ ղրանց. «քրդերը սերում են Քուրդ իբն Մուրդ (ոմանց մոտ Մարդ է,—Ա. Փ.) իբն Ամրու իբն Սաասաա իբն Մուավիյա իբն Բաքր իբն Հավադինից։ Ասում են, թե նրանք Ամրու Մուզայիկյա իբն Ամր Մա աս-Սամայի սերունդն են։ Ասում են, թե նրանք (քրդերը,—Ա. Փ.) Համիդ իբն Թարիկ-Համիդ իբն Զուհայր իբն ալ-Հարիս իբն Ասադ իբն Աբդ ալ-Ազա իբն Կասսա իբն Քիլարի սերունդն են»<sup>16</sup>։ Նման տարբերակներին ալ-Մակրիզին անդրադարձել է իր մեկ ուրիշ աշխատությունում<sup>17</sup>։

Քրդերի արաբական ծագման վարկածն իր խայտաբղետ պատումներով աստիճանաբար տարածվեց խալիֆայությունում, որին անդրադարձան: Վաղ շրջանից սկսած արաբ ականավոր հեղինակներ ալ-Իսթախրին<sup>18</sup>, Իբն Հաուկալը<sup>19</sup>, ալ-Իդրիսին<sup>20</sup>, Իբն Յուսուֆ Արդ ալ-Բառը<sup>21</sup>, Աբու ալ-Բարաքաթ ան-Նասաֆին<sup>22</sup>, Իբն Խալիբանը<sup>23</sup>, Իբն Մանզուրը<sup>24</sup>, Իբն ալ-Վարդիհն<sup>25</sup>, Արու ալ-Ֆիդանը<sup>26</sup>, Իբն Խալդունը<sup>27</sup>, ալ-Հանբալին<sup>28</sup>, ադ-Դիմաշկին<sup>29</sup>, ալ-Ֆիրուզաբադին<sup>30</sup>, Իբն Բաթուլան<sup>31</sup> և ուրիշներ: Այն տեղ գտավ նույնիսկ արաբական միջնադարյան պոեզիայում: Ուշագրավ է մեջբերել անհայտ բանաստեղծի հանգավորված բանաստեղծությունը, որը կրկնում են տարբեր հեղինակներ, թարգմանաբար հնչում է հետևյալ կերպ. «Կյանքովդ եմ երդվում ես, քրդերը ոչ թե որդիներն են (սերունդը) պարսկական, այլ քուրդ իբն Ամրու իբն Ամր»-ի<sup>32</sup>:

Քրդերի էթնիկական ծագման հարցին նվիրված արաբական սկզբնաղբյուրներում գոյություն ունեցող վարկածների և նրանց հետ առնչվող նյութերի ուսումնասիրությունը հիմք է տալիս հանգելու այն եզրակացության, որ նրանց արաբական ծագումը իր մի քանի տարբերակներով ամփոփ և վերջնական ձևակերպում ստացավ X դ. արաբ հռչակավոր գիտնական ալ-Մասուդու կողմից: Նա հավաքել և գրառել է միջնադարյան ու դիցաբանական վարկածների մի ամբողջ շարք: Նրա շարադրանքից երևում է, որ նա ոչ միայն շփվել է քրդերի հետ, այլև բուն քրդական իրականությունից ևս նյութեր է գրի առել: Այլ կերպ ասած, ալ-Մասուդին այն գործիչներից է, թերևս միակը մեր կարծիքով, որ քաջատեղյակ է եղել քրդական իրականությանը և քրդերի էթնիկական ծագմանը վերաբերող վարկածներին: Ալ-Մասուդին այդ խնդիրներին անդրադարձել է իր հիմնական «Մուրուջ ազ-զահաբ վա մաագին ալ-շաուհար» և Քիթաբ աթ-թանբիհ վա սլ իշրաֆ» աշխատություններում: Հենց սկզբից էլ նա միանգամայն ճիշտ է ընդգծել, որ քրդերի ծագման շուրջ գոյություն ունեն խիստ տարածայնություններ և զանազան կարծիքներ<sup>33</sup>:

Եթե վաղ և նույնիսկ ուշ շրջանի արաբ հեղինակներից շատերը հաճախ կառչել են «Քուրդ» առաստելական անձնանունից, ապա ալ-Մասուդու երկերում դրան մեծ կարևորություն չի տրվել: Նրա երկերում փորձ է կատարվում քրդերի ծագումը սերել արևելյան խալիֆայության տարածքում հաստատված հայտնի արաբ ցեղային միավորումներից: Նրանցից ի մի բերելով մի քանիսը, ալ-Մասուդին նշում է, որ «Մարդկանցից ոմանք գտնում են, թե քրդերը [սերվել են] Ռաբիա

իրն Նիզար իրն Մաադ իրն Ադնանի Բաքր իրն Վախից... որոշ մարդիկ գտնուեմ են, որ նրանք (այսինքն քրդերը սերվել են,—Ա. Փ.) Մուղդար իրն Նիզարից և Քուրդ իրն Մարդ իրն Մաասաա իրն Հավազինի սերունդն են... ոմանք էլ կարծում են, թե նրանք (քրդերը—Ա. Փ.) Ռաբիաայից և Մուղդարից են...»<sup>34</sup>, Այնուհետև ալ-Մասուդին ավելացնում է, ընդգծելով հետևյալը. «Ինչքան էլ, որ ասացինք քրդերի մասին, ապա նրանց ծագման վերաբերյալ մարդկանց մեջ ամենատարածվածը և ամենաճշմարիտը այն է, որ նրանք սերվել են Ռաբիաա իրն Նիզարից...»<sup>35</sup>։ Կատարված մեջբերումից ակնհայտորեն երևում է, որ ալ-Մասուդու մոտ գլխավորապես շեշտվում են արաբական ցեղերի առասպելական հուսադատյալները՝ Ռաբիաա իրն Նիզարը և Մուղդար իրն Նիզարը, որոնք ըստ միջնադարյան ծագումնաբանների, եղբայրներ են և արաբացած արաբների Ադնան նահապետի ծոռները<sup>36</sup>։

Քրդերի արաբական ծագումն իր բազմազան տարբերակներով տարածվել է նաև Այուբբյանների<sup>37</sup> վրա (1169 թ. մինչև XV դ. վերջը)։ Ակնհայտ է, որ Այուբբյան դինաստիան ի դեմս Սալահ ադ-Դինի չափազանց ակտիվ գործունեություն ծավալեց մահմեդական միջնադարում և փառաբանվեց հատկապես խաչակիրների դեմ պայքարում։ Այս խնդրի մանրամասնությունների մեջ մտնելը ոչնչով չի փոխում սպասվող պատասխանը. իսկ դա հանգում է այն բանին, որ Այուբբյաններին վերագրելով արաբական ծագում, դրանով արաբ հեղինակները աշխատել են «օրինական» հիմքի վրա դնել այն ծառայությունները, որ վերահիշյալ տոհմածառը՝ հատկապես Սալահ ադ-Դինը, մատուցեց միջնադարյան մահմեդական աշխարհին<sup>38</sup>։

Այսպիսով, զուգահեռ անցկացնելով, ինչպես նշվեց, քրդերի «քուրդ» էթնոնիմի և ոմն «Քուրդ» անձնանվան, ինչպես նաև առանձին ցեղային միությունների և նրանց նախահայրերի հետ, արաբ հեղինակները ձգտել են լրացուցիչ մանրամասնություններով հիմնավորել իրենց տեսակետը։ Հետևելով արաբական աղբյուրների վկայակոչությունների ընթացքին, պետք է ենթադրել, որ միայն «Քուրդ»-անունը ըստ երևույթին չի բավարարել համոզիչ կերպով արաբ համարելու այլալեզու լեռնիկական այդ խմբին։ Այս հարցին, ինչ որ չափով հավանական պատասխան տալու համար, այսինքն՝ թե քրդերը-նախկին արաբները, ինչպե՞ս և ի՞նչ հանգամանքների հետևանքով մեկնեցին Արաբիայից և բնակվեցին այլազգիների մեջ, արաբ հեղինակները դիմել են իրենց հայտնի պատմական իրադարձություններին։ Մեզ արդեն ծանոթ ալ-Քալբին առաջիններից է, որ այդ փաստը կապել է Նմենի Մարիբ ամ-

բարտալի փլուզման հետ: Նա գրում է, որ քրդերը, իբր, «Ընկան (հաստատվեցին) այն տարածքը, որում [այժմ] գտնվում են, երբ հեղեղը խորտակեց ալ-Արիմը և ցրվեց Եմենի (ալ-Յամանի) բնակչությանը»<sup>39</sup>:

Հայտնի է, որ Եմենի հսկա այս ամբարտակը, որը Մարիբ քաղաքը և նրա շրջակայքը պաշտպանում էր լեռնային ջրհեղեղներից կառուցվել էր Սաբա թագավորների կողմից: VI դ. (մոտավորապես մ.թ. 542—570 թ. արանքում) ջուրը ճեղքեց ամբարտակը, քանդելով այն՝ խորտակեց նաև Սաբացիների մայրաքաղաքը՝ Մարիբը և շրջակա շինությունները<sup>40</sup>:

Ամբարտակի փլուզումը, որի ջրով ոռոգվում էին հողերը, հսկայական վնասներ հասցրեց երկրի գյուղատնտեսությանը<sup>41</sup>: Թեև ջանքեր գործադրվեցին այն վերականգնելու համար, բայց դրանից հետո Եմենում ըստ երևույթին ոռոգման սխտեմը և տեխնիկան խիստ տուժեց<sup>42</sup>: Դրա հետևանքով կրկին սկսվեց հարավային Արաբիայից (Եմենից) արաբական ցեղերի արտագաղթը դեպի Հյուսիս, Սիրիա, Միջագետք և այլուր: Այս արտագաղթերը և Եմենում Հիմյար թագավորության անկումը առավելապես պայմանավորված էին նաև երկրում առևտրի անկման հետ<sup>43</sup>: Ահա պատմական այս իրադարձությունների հետ է առնչել ալ-Քալբին քրդերի ենթադրյալ արտագաղթը Եմենից՝ Մարիբի ամբարտակի փլուզման հետևանքով: Ուշագրավ են այդ առթիվ ալ-Մասուդու երկրում առաջ քաշած պատճառաբանությունները: Նա գրում է, որ իբր քրդերը «հին ժամանակներում բաժանվեցին արաբներից, հաստատվեցին լեռներում և հովիտներում զանազան իրադարձությունների հետևանքով, ուր որպես հարևաններ ապրեցին քաղաքի և շինությունների (գյուղերի) աջամ<sup>44</sup> ու ֆուրս<sup>45</sup> ժողովուրդների հետ: Նրանք մոռացան իրենց լեզուն (արաբերենը,—Ա. Փ.), խոսեցին աջամների լեզվով: Եվ յուրաքանչյուր քրդական ցեղ ունի իր խոսվածքը (լեզուն) քրդերենով...»<sup>46</sup> Արաբիայից քրդերի դուրս գալը ալ-Մասուդու մոտ կապվել է նաև արաբ «Հասասանիների» կոիվների» հետ<sup>48</sup>: Իսկ մեկ այլ պատճառը, ըստ ալ-Մասուդու, այն է, որ քրդերը հաստատվեցին «լեռներում արոտավայրեր և ջուր հայթայթելու նպատակով մոռացան արաբերեն լեզուն՝ ուրիշ ժողովուրդներին հարևան դառնալու հետևանքով»<sup>49</sup>: Այս հարցին ալ-Մասուդին անդրադարձել է իր «Քիթաբ աթ-թանբիհ վա ալ-իշրաֆ» աշխատությունում, ուր ընդգծել է գրեթե նույն միտքը, որ քրդերը զանազան հակամարտությունների հետևանքով շատ վաղուց են դուրս եկել Արաբիայից և հաստատ-

վելով «աջամների հողում, տարածվեցին, մոռացան իրենց լեզուն և [րաղմանալով] դարձան համայնքներ ու ցեղեր»<sup>50</sup>։

Այս առթիվ պետք է նշել հետևյալը. ինչպես հայտնի է, երբ ուժեղացավ պարսկահռոմեական մրցակցությունը, Արևելքում առևտրական ուղիներում ձևավորվեցին արաբական իշխանություններ՝ Պետրան (Նարաթիներ-գոյատեկեց մինչև 106 թ.) և Պալմիրան<sup>51</sup>։ Դա նպաստեց արաբական ցեղերի ակտիվացմանը, և նրանք հետզհետե տարածվեցին կայսրության ու Իրանի սահմանամերձ գոտիներում։ 272 թ. Պալմիրայի անկումից հետո Սիրիայում իշխանության գլուխ անցան արաբ Ղասասանիները, որոնք հանդիսանում էին Բյուզանդիայի կամակատարներ<sup>52</sup> և օգտագործվում էին բեդուիններին հակահարված տալու համար։ Նույն ժամանակաշրջանում (III դ.) ակտիվացան Իրաքում հաստատված արաբները և նրանց հաջողվեց հիմնադրել Լախմիների իշխանությունը։ Այս շրջանում է, որ արաբական ցեղերը տարբեր նկատառումներով սկսում են Միջագետքից շարժվել և խորանալ դեպի արևմուտք։ Ապա ժամանակ առ ժամանակ օգտվելով Սասանյան Իրանի թուլությունից, նրանք ոչ միայն սկսում են ուժեղացնել ասպատակությունները, այլև իրենց հոտերով տարածվում Միջագետքի հյուսիս և արևելյան շրջաններում<sup>53</sup>։

Ինչպես դժվար չէ նկատել քրդերի արաբական ծագումը արաբ հեղինակները կատարելագործել են իրենց հայտնի իրադարձություններով նախասլամական շրջանում դեպի Սասանյան Իրանի և Բյուզանդական կայսրության սահմանները արաբական ցեղերի տեղաշարժերով, Իր զանազան տարբերակներով սույն ծագումնաբանությունը սկըսած IX—X դդ. որոշ արձագանք գտավ նաև խալիֆայության տարբեր շրջաններում ցած ու ցրիվ քրդական ցեղերի մեջ։ Այդպիսի վկայություններ են հաղորդում Իբն Հաուկալը<sup>54</sup> Քերմանի լեռնաբնակ քրդերի և ալ-Իսթախրին<sup>55</sup> Ֆարս նահանգի քրդական կայատեղերի մասին։ Ավելի մանրամասներ է հաղորդում ալ-Մասուդին իր «Մուրուջ ազ-զահաբ» գրքում։ Նա ընդգծում է, որ առանձին ցեղեր իրենց ծագումը կապում են Ռաբիաա իբն Նիզարի և Մուդգար իբն Նիզարի հետ<sup>56</sup>։ Իսկ «Քիթար աթ-թանրիհ վա ալ-իշրաֆ»-ում, նկարագրելով քրդական ցեղերի տեղաբաշխումը խալիֆայության տարբեր մասերում, գրում է, որ «Քուրդ բանիմաց ժերուհիները, որոնց հետ հանդիպեցինք մեր հիշատակած երկրներում. հայտնեցին, որ իրենք [ծագումով] Քուրդ իբն Մարդ իբն Սաասաա իբն Հարբ իբն Հավազինի սերնդից են։ Նրանցից ոմանք գտնում են, թե իրենք Սուրայ իբն Հավազինի [սերունդն] են... Քրդե-

րից ոմանք գտնում են, թե Ռաբիաայից և Բաբր իբն Վալիից են...»<sup>7</sup>։ Այդ մասին ուշագրավ են նաև ալ-Մակրիզիի հիշատակությունները։ Նա գրում է, որ քրդական ալ-Մարվանիյա ցեղը գտնում է, որ սերվել է Օմայյան դինաստիայի հայտնի զորահրամանատար Մարվան իբն ալ-Հաբամի (մահ. 680 թ.) սերնդից։ Իսկ ալ-Հաբբարիյա ցեղում ոմանք իրենց ծագումը նույնպես սերում են արաբներից<sup>58</sup>։ Նման դատողություններ տեղ են գտել նաև Շարաֆ իսան Բիթլիսիի<sup>59</sup> (XVI դ.) և XIX դ. քուրդ հեղինակ Մելա Մահմուդ Բայազիդիի<sup>60</sup> աշխատություններում<sup>61</sup>։

Այսպիսով, չնայած, քրդերի արաբական ծագման վարկածը բավականաչափ տարածվեց մահմեդական միջնադարում, այնուհանդերձ քրդերի էթնիկական ծագման պրոբլեմն արաբական աղբյուրներում մնաց վիճելի և չլուծված։ Արաբ հեղինակների մի այլ խումբ՝ Իբն Կութայբան, աթ-Թաբարին, ադ-Դինավարին, Իբն ալ-Ասիրը, ադ-Դամայրին և այլք դիմելով իրանական դիցաբանության և Սասանյան ավանդության նյութերին, մատնացույց են անում քրդերի իրանական ծագումը։ Առանձին հեղինակներ էլ տատանվել են և կրկնել նախորդներին։ Ուշագրավ է, որ ծագումով քուրդ Այուբյան դինաստիայի շառավիղներից մեկը՝ հայտնի պատմիչ Աբու ալ-Ֆիդան այս խնդրում ևս չի ծավալվել, որի աշխատությունում թուղթիկ ձևով տեղ են գտել միջնադարյան մի քանի կարծիքներ։ Քրդերին նա մերթ համարել է պարսիկների մի ճյուղ, մերթ արաբ, որոնք, իբր թե հետո դարձել են նաբաթիներ։ Հետևելով մեկ այլ ավանդության՝ Արու ալ-Ֆիդան ընդգրծում է. «Ասում են, թե քրդերը աշամների արաբներ են» այսինքն՝ իրանական քոչվորներ<sup>62</sup>։ Նույնանման տեղեկություններ է պարունակում Իբն ալ-Վարդիի աշխատությունը<sup>63</sup> և այլն։ Իր երկու աշխատություններում, ի մի բերելով քրդերի ծագման մասին արաբական վարկածները, ալ-Մակրիզիի գրում է. «Սրանք ֆակիհների (իմաստուններ, գիտնականներ, օրեսնդիներ) ասածներն են քրդերի մասին, որոնցով նրանք ձգտում են սիրաշահել նրանց (քրդերին,—Ա. Փ.), հենց որ իրենց է պատկանում իշխանությունը (քրդերին,—Ա. Փ.)։ Իրականում քրդերը մի ցեղ են աշամական (իրանական) ցեղերից...»<sup>64</sup>։

Ինչպես տեսնում ենք, արաբական վարկածն իր զանազան տարբերակներով հերքվում է ալ-Մակրիզիի կողմից։ Կիսելով նրա կարծիքը՝ հարկ ենք համարում ավելացնել, որ խնդրո առարկային վերաբերող նյութի պատշաճ մակարդակով հետազոտումը վկայում է այն մասին, որ, իրոք, չի կարող պատահել, որ այն առաջ քաշված լինեն քրդական միջավայրում։ Դա հաստատում է այն հանգամանքը, որ վարկածը ար-

ծայնագրվել է նախ արաբական աղբյուրներում և երկրորդը, ավելի կարևորը, մեղ ներկայացվող տոհմածառերը, ծագումնաբանությունները պարզորոշ ցույց են տալիս, որ դրանք հազիվ թե վաղ միջնադարում ծանոթ լինեին քրդական ցեղերին: Բացի այդ, վկայակոչությունների շարադրանքից ցցուն ձևով նկատվում է արաբական ոգին և նրան բնորոշ մտածելակերպը: Մի փաստ, որ թույլ է տալիս ենթադրելու, որ վարկածը զուրկ է ճշմարտությունից և նրա տարբերակների անունները սոսկ մտացածին են:

Ի մի բերելով վերը նշվածը, կարելի է գալ որոշ եզրահանգումների: Անկասկած քրդերը իբրև իրանալեզու ժողովուրդ սեմական ժողովուրդների հետ չունեն էթնիկական ընդհանրություններ: Այլ բան է, որ նրանք սեմական ժողովուրդների, մասնավորաբար, արաբների հետ ունենալով փոխադարձ շփումներ, հատկապես ետիսլամական շրջանում, կրել են դրանց ազդեցությունը: Այլ խոսքով, քրդական առանձին ցեղերի արաբացումը և հակառակ երևույթը սկզբնավորվեց արաբական խալիֆայության ձևավորումից հետո և քուրդ-արաբական փոխհարաբերությունների նոր փուլի սաղմնավորման շրջանում: Սակայն, անհրաժեշտ է ընդգծել, որ պատմական անժխտելի փաստ է, որ այս ընթացքում հենց քրդերի արաբացման պրոցեսն էր, որ անաղմուկ էր ընթանում, ավելի ինտենսիվ, քան հակառակը: Այդ պրոցեսն՝ քրդերի արաբացումը, համեմատաբար ավելի արագացավ մոտավորապես X—XI դդ., երբ քրդերի կողմից մասսայական կերպով ընդունվեց իսլամը: Այս կապակցությամբ արժե շեշտել աշխարհագիր Յակուբ ալ-Համավիի հետաքրքիր հիշատակությունը էրբիլի մասին, որտեղ պարզ գրում է, որ նրա բնակչությունը արաբացած քրդեր են<sup>65</sup>:

Ինչևէ, դարձյալ հարց է առաջանում, թե արաբներին, այդուամենայնիվ, ի՞նչն էր մղում քրդերի արաբական ծագման վարկածն առաջ քաշելուն և մշակելուն:

Այս հարցի պատասխանը պետք է որոնել, մեր կարծիքով, այն պատմական գործընթացների մեջ, որ ապրեց խալիֆայությունն իր գոյության երկար ու ձիգ դարերի ընթացքում: Հայտնի է, որ Օմայան հարստության անկումից (750 թ.) հետո սկիզբ առավ խալիֆայության քայքայումը: Դրանով լայն թափ ստացան ժողովրդական շարժումները և ֆեոդալական երկպառակությունները: Աբբասյան արքունիք և նրա վարչական մարմիններ սկզբից էլ արագորեն ներթափանցեց պարսկական տարրը, որը վարելով խալիֆայության ներքին ու արտաքին քաղաքականությունը՝ նոր լիցք էր հաղորդում իրանական ժո-

դովուրդների գործողություններին: Հասարակական-քաղաքական կյանքում լայնորեն կիրառվեցին Սասանյան իրանի վարչական միջոցառումները, հետզհետե ասպարեզից դուրս էին մղվում Օմայան պետության կարգերը: Պատահական չէ, որ VIII—IX դդ. արաբ հեղինակ ալ-Ջահիզը, գրում էր, որ Օմայան պետությունը արաբական էր, իսկ Աբբասյանը՝ իրանական<sup>66</sup>:

IX—X դդ. խալիֆայության ղեկավար մարմիններում նկատելի դարձավ նաև թյուրքական տարրի գործունեությունը<sup>67</sup>: Իսկ X դ. 40-ական թթ. (945 թ.), երբ պարսիկ Բուվինը (իսկ հետո նաև սելջուկները) գրավեցին Բաղդադը և ամբողջ արաբական իրաքը, Աբբասյան խալիֆաները զրկվեցին աշխարհիկ իշխանությունից, պահպանելով լուկ հոգևոր իշխանությունը: Դրանով խալիֆայությունը որպես պետական մարմին փաստորեն կորցրեց իր գոյությունը<sup>68</sup>: Քաղաքական ահա այս բուռն իրադարձությունները նպաստավոր պայմաններ էին ստեղծում քրդական տարրի ակտիվացման համար:

Արաբական պկզբնաղբյուրների նյութերը ցույց են տալիս, որ հատկապես այս խառը ժամանակաշրջանում քրդերը աչքի էին ընկնում անհնազանդությունից և որոշ շրջաններում վերջ էին տվել արքունիքին ու տեղական կառավարություններին տրվելիք հարկերին<sup>69</sup>: Հավանաբար այս հանգամանքները ևս երկրորդական դեր չեն խաղացել քրդերին սիրաշահելու, նրանց՝ արաբների հետ նույնացնելու ջանքերի մեջ: Ի դեպ, պատահական չպետք է համարել նաև այն, որ քրդերի ծագումը որոշ ժամանակահատվածում սերվում էր հատկապես արաբ Ռաբիաա, Մուդղար և Բաքր ցեղերից:

Աբբասյան հարստության տիրապետության շրջանում այդ ցեղային խոշոր միավորումների անունով էին կոչվում Ջադիրայի (Վերին Միջագետք) երեք ստորաբաժանումները՝ Դիյար Ռաբիաա, Դիյար Մուդղար և Դիյար Բաքր<sup>70</sup>, որոնք էլ, մեր կարծիքով, կարելի է համարել քրդերի արաբական ծագման վարկածի միջավայրը:

Այստեղ, հատկապես, Դիյար Ռաբիաայում, արաբների հիմնական մրցակիցներն էին քրդերը: Մեզ հասած տվյալները վկայում են, որ երկու կողմերի փոխհարաբերությունները զլխավորապես պայմանավորված էին նրանց անասնապահական ղբաղմունքով և դրա հետ կապված տեղաշարժերով: Նկարագրելով արաբ Շայբանի ցեղային միության զբաղեցրած տարածքը Դիյար Բաքրում, Հասան ալ-Համադանին (X դ.) ընդգծում է, որ Թուր Աբդինից դեպի Խորասանի նահանգը Շայբանցիների հետ կողք-կողքի բնակվում էին միայն քրդ-

դերը<sup>71</sup>։ Ապա Մոսուլի մարզում արաբական Ռաբիաա և Մուդդար ցեղային միությունների հետ միասին, քրդական ալ-Հաքարիյա, ալ-Հումայդիյա, ալ-Ջալաիյա և ալ-Լավիյա ցեղերը ունեին անասնապահական ձմեռանոցներ և ամառանոցներ<sup>72</sup>։ Իսկ երկու Զաբերի միշև ընկած արոտավայրերում և հովիտներում իրեն Հաուկալի վկայությամբ ձմեռում էր քրդական ալ-Հադբանիյա խոշոր ցեղային միությունը, որից հետո այստեղ ամառն էր անցկացնում արաբ Շայբանի ցեղը<sup>73</sup>։ Տնտեսական այս կացութեանը, անասնապահությունը, ինչպես նշվեց, հարկադրում էր երկու կողմերին լայն շփումներ ունենալ, որը հաճախ ուղեկցվում էր արյունահեղ հակամարտություններով։ Ուստի քրդերի առաջացումը արաբական Ռաբիաա, Մուդդար և Բաքր ցեղային միությունից ոչ միայն կմեղմացնե՞ր երկու կողմերի հակասությունները, այլև քրդական միջավայրում կմեծացնե՞ր իսլամ տարածողների ռազմաքաղաքական և տնտեսական կշիռը։ Ուշագրավ է այս առթիվ կրկին նշել ալ-Մասուդու այն վկայությունը, որ ամենատարածված և ամենաճշմարիտ տեսակետը քրդերի ծագման մասին այն է, որ նրանք Ռաբիաա իրեն Նիզարից են<sup>74</sup>։ Ակնհայտ է, որ այս ցեղային միության անունը կրող Մոսուլ կենտրոնով (Դիյար Ռաբիաա) շրջանում բնակվում էին հիմնականում քրդերը։ Այս փաստը դարձյալ հաստատում է, որ արաբական վարկածը պատահական բնույթ չի կրել և նրա առաջ քաշումը ամուր հիմքեր էր ստեղծում քրդական անհնազանդ ցեղերի մեջ իսլամի տարածման և խալիֆայության տարբեր մասերում նրանց արաբական ռազմական գործողությունների մեջ ներգրավելու համար։ Այլ խոսքով, քրդերի արաբական ծագման վարկածի մշակումը և գոյատևումը վերջին հաշվով բխում էր խալիֆայության ներքին ու արտաքին քաղաքականությունից և իսլամի այսպես կոչված «մահմեդականների եղբայրության» սկզբունքներից։ Այն արտացոլում էր նվաճած երկրների ժողովուրդներին միաձուլելու ուղղությամբ արաբների գործադրած շանքերը<sup>75</sup>։ Այս կապակցությամբ ի միջի այլոց հետաքրքիր է ընդգծել, որ արաբ ծագումնաբանները աստվածաշնչային նյութերով փորձեր են կատարել, օրինակի համար, ցույց տալու Կասպից ծովի առափնյա բնակիչների իրանական դայլամների արաբական<sup>76</sup>, իսկ հաճախ այլ ժողովուրդների, դրանց թվում նաև պարսիկների սեմական ծագումը<sup>77</sup>։

Ինչ վերաբերվում է քրդերի մեջ վարկածի արձագանքներին, ապա դա կապված է քրդական վերնախավի մի մասի կեցվածքի հետ։ Արաբական ծագումը, նամանավանդ այդ առաջարկում էին իսլամ տարա-

ծողնները, կոշված էր նպաստելու քուրդ վերնախավի քաղաքական և տնտեսական դիրքերի ամրապնդմանը: Այլ խոսքով, ձևականորեն ընդունելով արաբական ծագումը, երբեմն նաև իսլամը, խալիֆայության ճգնաժամային սուր փուլերում քրդական վերնախավը ստանում էր տնտեսական և քաղաքական որոշակի անկախություն: Քրդերի արաբական ծագման վարկածը կոշված էր մեկ ընդհանուր հունի մեջ դնել այս ժողովրդի ջանքերը հանուն խալիֆայության շահերի, որը մահմեդականության առկայության ղուզընթաց բացասական հետքեր թողեց քուրդ ժողովրդի հասարակական-պատմական զարգացման բնականոն ընթացքի վրա:

А. П. ПОЛАДЯН

# К ВОПРОСУ О СРЕДНЕВЕКОВОЙ ВЕРСИИ АРАБСКОГО ПРОИСХОЖДЕНИЯ КУРДОВ (по арабским источникам)

## Резюме

Для написания настоящей статьи были использованы сообщения арабских и арабоязычных авторов VIII—XV вв. Большая часть этих материалов вводится в научный оборот впервые. Исследование указанных сообщений позволяет автору прийти к выводу о том, что версия об арабском происхождении курдов имела тенденциозный характер и преследовала определенные цели. В статье выявляются причины возникновения и распространения этой версии, которая, по мнению автора, возникла в среде господствующего народа—арабов во время правления Аббасидов, а затем, в какой-то степени, нашла свое отражение и отклик среди верхушки курдов. Цель этой версии—оправдать господство арабов и способствовать его сохранению и распространению. Эта версия в какой-то степени способствовала также, распространению ислама среди курдов и была использована для их вовлечения в вооруженные силы халифата.

- 1 Н. Я. Марр, Еще о слове «Челебия». — Записки восточного отделения императорского русского археологического общества, т. XX, вып. II—III, СПб., 1911, с. 139—140; В. Никитин, Курды, М., 1964, с. 57, V. Minorsky The Kurdistan and Kurds:—The Encyclopedia of Islam\*, v. II, London, 1927, p. 1134; محمد امين زكي، خلاصة تاريخ الكرد وكردستان، القاهرة ١٩٠٦-١٩٠٧، ص ٥٢؛ اورنگ، كردشناسی، تهران، ۱۳۴۶، ص ۲۷-۲۸؛ رشيد ياسمی، كردو پيوستگى نژادى و تاريخى او، تهران، ۱۳۵۰-۱۳۵۱، رشيد انقيل، الاكراد فى نظر العالم، بغداد، ص ۲۳-۲۷...
- 2 Г. Б. Акопов, Арабские источники по этнической истории курдов и версии их арабского происхождения:  
«Մերձավոր և Միջին Արեւելքի երկրներ և ժողովուրդներ—արաբական երկրներ», З. Երևան, 1967, էջ 175—207, տե՛ս նաև Г. Б. Акопов, Критическая история проблемы происхождения курдов, автореф. док. дис., Ереван, 1969, с. 3—9.
- 3 Այդ մասին տե՛ս Ա. Փոլադյան, Քրդերի արաբական ծագման միջնադարյան վարկածը, երկտառադր արևելագետների 7-րդ համգիրանսի թեզիսներ, Երևան, 1981 թ..
- 4 کتاب الفهرست لادن المديم، تهران، ۱۹۷۱، ج ۱، ذوقب الحيوى، كتاب الادباء، ج ۱۱، مصر، ص ۱۸۰، حاجى خليفه، كشف الظنون، استاذبول، ج ۱، ۱۹۴۴، ص ۱۷۹.
- 5 Ed-Dimichqui, Nukhbât ad-Dahr fi Adshâib al-Barr wal Bahr, Leipzig, 1923, p. 255 (այսպէս Ed-Dimichqui); ابن رسول، طبقة الاصحاب في معرفة الانساب، دمشق، ۱۹۴۸، ص ۶۳، النويري، شهاب الدين، نهاية الارب فى معرفة الادب، ج ۱، مصر، ۱۹۲۳، ص ۵۵۱.
- 6 "Kurdân Emirdân"—Ed-Dimichqui, p. 255.  
کوردن عمردين  
7 کوردن عمردين عامر ميا اسماء،
- 8 الزبيدى، تاج العروس، ج ۲، القاهرة ۱۳۰۶، ص ۴۸۴.—"Kurdân Emirdân"—Ed-Dimichqui, p. 255.  
کوردن عمردين مزنيقيام،
- 9 ابن منظور، لسان العرب، ج ۲، القاهرة ۱۳۰۰، ص ۷۶.
- 10 E. A. Беляев, Арабы, ислам и арабский халифат в раннее средневековье, M., 1965, с. 68.
- 11 ابن رسول، طرفة الاصحاح، ص ۵۷
- 12 նորին տեղում, էջ 19,
- 13 "Kurdân Ibn Haukal, Viae et Regna:—"BGA", v. II, Lugd. Bat. Apud. E. J. Brill, 1873, p. 187 (այսպէս Ibn Haukal); al-Iḍrīsi, Opvs Geographicum, f. IV, Neapo!-Roma, 1974, p. 419 (այսպէս Al-id-risi):
- 14 "واكثر الناس من ينسبهم الى قيس، فبقلة مرد بن كردد بن عمرو ابن صعصعة بن معاوية بن بكر بن هوازن بن منصور بن عتمرة بن خصفة بن قيس بن عيينة بن مضر بن نزار بن معد بن عدنان.... الزبيدى، تاج العروس، ج ۲، ص ۴۸۵.
- 15 ابن رسول، طرفة الاصحاب، ص ۶۲.

- 16 - الاكراد ينسبون الى كرد بن مرد بن عمرو بن صعصعة بن معاوية بن بكر بن هوازن. وقيل هم من ولد عمرو بن زريقاء بن عامر ماء السناء. وقيل من بنى حميد بن طارق  
الراجع الى حميد بن زهير بن العارث بن اسد بن عبد العزى بن قصي بن كلاب...  
المقريزي، كتاب السلوك له عرشة دول الملوك، ج ١، القسم الاول، القاهرة، ١٩٣٤،  
ص ٢-٤.
- 17 - المقريزي، كتاب المواظ والاعتبار، بذكر الخطط والاثار، ج ٢، مصر، ١٩٧٠، ص ٢٣٢.
- 18 Al-Istakhri, *Viae Regnorum*,—BGA, Lugd. Bat. Apud E. J. Brill 1870, p. 114 (سجستانك Al-Istakhri):
- 19 Ibn Haukai, p. 187, 221:
- 20 Al-Ildrisi, v. IV, p. 419:
- 21 الزبيدي، ترميع القلوب في دماء الملوك بنى ايوب، دمشق، ١٩٦٩، ص ٣٦-٣٧.
- 22 ابن خلكان، وفيات الاعيان، ج ٢، مصر، ١٩٦٩، ص ١٩٤-١٩٥.
- 23 ابن منظور، لسان العرب، ج ٤، مصر، ١٣٠٠، ص ٣٨٢.
- 24 ابن البردي، تاريخ، ج ١، مصر، ١٢٥٨، ص ٧٢.
- 25 Abul Fedae, *History antelamitica Arabici*, 1831, p. 150.
- 26 ابن خلدون، كتاب العبروديان المبتداء والخبر، ج ٢، مصر، ١٢٨٤، ص ٣٠٠.
- 27 ابن الحنيلي، في الطب في تاريخ اعيان حلب، ج ١، القسم الثاني، دمشق، ١٩٧٣، ص ٥١٥-٥١٦.
- 28 Ed-Dimichqui, p. 247 - 255:
- 29 النبروز ابادي، الفاموس المحيط، ج ١، مصر، ١٢٨١، ص ٣٦٣.
- 30 Ibn Batoutah, *Voyages*, t. II, Paris, 1854, p. 22:
- 31 - لعرك ماكر من ابناء فارس ولكنه كرد بن عمرو بن عامر. - ابن خلكان، وفيات الاعيان، ج ٢، ص ١٩٥، ابن منظور لسان العرب، ج ٤، ص ٣٨٢.
- 32 - المسعودي، مروج الذهب ومعادن الجوهر، ج ٢، بيروت، ١٩٦٦، ص ٢٤٩.
- 33 ابن خلكان، وفيات الاعيان، ج ٢، ص ١٩٥، ابن منظور لسان العرب، ج ٤، ص ٣٨٢.
- 34 - فاما اجناس الاكراد وانواعهم فقد تنازع الناس في - 251-249.
- 35 بدتهم: فمنهم من رأى انهم من ربيعة بن نزار بن معد بن عدنان من بكر بن وائل... ومن الناس من رأى انهم من مضر بن نزار وانهم من ولد كرد بن مرد بن صعصعة بن هوازن... ومنهم من رأى انهم من ربيعة ومضر... وما قلنا في الاكراد فالاشهر عند الناس والاصح في انسابهم انهم من ربيعة بن نزار...  
ابن حزم، جمهرة انساب العرب، القاهرة، ١٩٦٢، ص ٧-١١.
- 36 K. Э. Бусворт, *Мусульманские династии*, М., 1971, с. 94-98; Cl. Cahen, *Ayyūbids*,—The Enc. of Islam" v. I, London, 1960, p. 796-807; معجم الانساب والاسرات الحاكمة في التاريخ الاسلامي، القاهرة، ١٩٥٠-١٥٩.
- 37 Արարական սկզբնաղբյուրներում եղած նյութերը վկայում են, որ Այյուբյան տոհմաժառուղ եղել է ռավադի քրդերից, որի նախահայրը՝ Շադին Դավիթի (Հայաստանից) սեկնել է Բաղդադ, այնուհետև Թիբրիս, ուր և սկզբնավորել է նրա

հանորդների դործունեությունը Այուբյանների արարական ծագման առնչվող ղանաղան կարծիքներ, որոնք շնալած կասկածելի են համարվել, ավանդաբար կրկնել են շատ հեղինակներ։ Այնուամենայնիվ պետք է ասել, որ նրանք մանիք առաջ ընդգծել են միջնադարում գերիշխող տեսակետը՝ նրանք բուրդ լինելու մասին, սակայն ալլահյա տեղեկություններով նրանք ծագումը կապել են արաբական այս կամ այն ցեղի և նույնիսկ Օմայան խալիֆաների հետ։ Որոշ հեղինակների հաղորդումները ցույց են տալիս, որ Այուբյան առանձին իշխաններ նույնպես չեն միտել իրենց արաբական ծագումը։ Դեռ ավելին, նրանք իբր հայտարարել են, որ հանգամանքների բերումով պարզապես ապրել են քրդերի մեջ և խնամիական կապեր են հաստատել նրանց հետ։ Իհարկե Այուբյանների արարական ծագումից չ'արժարվելը բնավ դարձանք չի առաջացնում, որովհետև դա հնարավորություն էր տալիս նրանց մահմեդական աշխարհում ընդլայնելու իրենց ռազմաքաղաքական գործունեությունը։

ابن تغرى بردى، المجموع الزاهرة في منون مصر، ص ١٢٣، ابن خلكان، وفیات الاعيان، ج ٢، ص ٤٩٥، العنبري، شفاء القلوب في مناقب بني ايوب، بغداد، ١٩٧٨، ص ٢٣٢١، الزبيدي، تاريخ القلوب، ص ٣٦، المعري، كتاب السيرة، ج ١، القسم الاول، ص ٤٢٤، ابن واصل المازني، معراج الشروب في دولة بني ايوب، ج ١، ص ٤٣٠...

Արարական աղբյուրների նյութերի ոչ բազմակողմանի և թերի ուսումնասիրությունը թույլ է ավել ժամանակակից որոշ արաբ պատմաբանների արաբ համայնության ոչ միայն Այուբյան դինաստիան, այլև նրանց ցեղը՝ ռազմիկ քրդերին։ Տե՛ս

تاجي معروف، عروية العلماء المنسويين الى البلدان الاجمية في بلاد الروم والجزيرة وشهرزور واذريجان، ج ٣، بغداد، ١٩٧٨، ص ١٠٢-١٠٩

39 S. ed-Dimichqui, «لما طمى سبل العرب وتشرق اهل اليمن وايدى سبأ», p. 255:

40 A. Мюллер, История ислама, т. I, СПб. 1895, с. 27—28.

41 A. E. Беляев, նշված աշխ., էջ 62:

42 նույն տեղում:

43 A. Мюллер, նշված աշխ., էջ 29:

44 «Աշամ» անվանումն ունի մի քանի իմաստներ։ Սկզբնական շրջանում արաբները աշամ ասելով ի նկատի ունեին ոչ արաբախոս (չ'արաբ) ժողովուրդներին, հատկապես իրանցիներին, իսկ «Թիլադ ալ-աշամ» — «بلد العجم» (աշամների երկիր) ասելով հասկանում էին Իրանը։

45 «Տուրս» բառացի նշանակում է պարսիկներ, ինչպես նաև որոշ կոնտեքստում իրանցի։

46 المسعودي، مروج الذهب، ج ٢، ص ٢٤٩:

47 Ղասսանիների քրիստոնյա արաբական ցեղը ծագումով նմանից է։ Ինչպես է Սիրիսյում, Պաղեստինում, Այս ցեղը գոյատևեց մինչև իսլամի երևան գալը, VII դ.:

48 المسعودي، مروج الذهب، ج ٢، ص ٢٤٩:

49 նույն տեղում:

50 Al-Masudi, Kitab al—Tanbih wal—Ishraf, —, BGA, t. VII, Lugd. Bat. Abud, E. J. Brill, 1894, p. 89 (այսուհետև Al-Masudi).

- 51 Н. Ф. Пигулевская, Арабы у границ Византии и Ирана в IV—VI вв., М., Л., 1964, с. 22.
- 52 کارل بروکلمان، تاريخ الشعوب الإسلامية، بيروت، ١٩٦٨، ص ٢٣
- 53 Н. Ф. Пигулевская, *Ishtikhri*, 29.
- 54 Ibn Hukal, p. 221.
- 55 Al-istakhri, p. 114.
- 56 المسعودی، مروج الذهب، ج ٢، ص ٢٥١
- 57 "وفد ذهب قوم من متأخري الاكراد ودوى الذرية منهم من شاهدناهم فيما ذكرنا من البلاد الى انهم من ولد كرد بن مرد بن صعصعة بن حرب بن هوزن. ومنهم من يرى انهم من سبيع بن هوزن... ومن الاكراد من يذهب انهم من ربيعة ثم من بكر بن وائل...". Al-Masudi, p. 86.
- 58 المقريزي، كتاب المواعظ، ج ٢، ص ٢٣٢-٢٣٣، المقريزي، ك السلوك، ج ١/١، ص ٣
- 59 Шараф-хан Бидлиси, Шараф-наме, т. I, М., 1967, с. 83, 152, 167, 175, 220, 232, 290, 313, 357, ...
- 60 М. М. Баязиди, Нравы и обычаи курдов, М., 1963, с. 9—10. *Şê'û şewqê re* 202.
- 61 Այս կարգի պնդումները, ինչպես նշում է Վ. Մինորսկին, շարունակում են դեռևս գոյատևել քրդական որոշ ճեղքերում և հատկապես նրանց ղեկավար ընտանիքներում: *Şê'û B. Ф. Минорский, Замечки и впечатления, СПб., 1915, с. 14*
- Քրդերի արաբական ծագման վարկածը, որքան էլ տարօրինակ է, տարածում գտավ նաև քուրդ ժողովրդի տարադասի հատվածներից մեկի՝ եզդիական համայնքում, Դարեր ի վեր կրոնական համոզմունքների հողի վրա թշնամաբար տրամադրված լինելով մահմեդականությանը և մահմեդական ժողովուրդներին, դրանց թվում քուրդ մահմեդական հատվածին, եզդիների մեջ շարունակում է գոյատևել այն միտքը, որ իրենք ծագումով արաբ Օմայան տոհմի խալիֆաներից են: Օմայանների և նրանց տարբեր ճյուղերի ու միջնադարյան արաբ այլևայլ բարձրաստիճան ընտանիքների հետ են կապում իրենց ծագումը եզդիի հոգեւորական իշխող դասերը՝ եզդիի քրդերի և Օմայան խալիֆաների ազգակցական կապը արտացոլվել է նաև եզդիական Մասահաֆե ուշ (սև մատյան) սուրբ գրքովում: *Şê'û*
- سماعل بك جول، البيزيدية، قديمها وحدد ثا، بيروت، ص ٧٧، ١٣ سعيد الدين، البيزيدية، بغداد، ١٩٧٣، ص ١٥-١٧، ٣٤٧، صديق الدملوجي، البيزيدية، الموصل، ١٩٤٩، ص ٣٣-٣٠٠
- 62 Abul Fedae, p. 150:
- 63 ابن الوردی، تاريخ، ج ١، ص ٧٢
- 64 المقريزي، كتاب الاعتبار، ج ٢، ص ٢٣٢ *Şê'û*
- 65 يا قوت العموي، معجم البلدان، ج ١، بيروت، ١٩٥٥، ص ١٣٨
- 66 الجاحظ، البيان والتبيين، ج ٢، بغداد، ١٩٦٠، ص ٢٤
- 67 К. Э. Босворт, Нашествия варваров: появление тюрков в мусульманском мире: — «Мусульманский мир 950—1150», М., 1981, с.20—33: *Şê'û* նաև
- کارل بروکلمان، تاريخ الشعوب الإسلامية، ص ٢٤٠-٢٤٦

- 68 И. Петрушевский, Развитие феодального общества в Иране (X—нач. XIII вв.) — «История Ирана», М., 1977, с. 134.
- 69 Вторая записка Абу Дулафа, М., 1960, с. 18.
- 70 «The Enc. of Islam» v. II. London 1965, р. 343—349; Զադիրան, որ-տեղ, ինչպես նշվեց, արարական զեղերը հաստատվել էին նախախալաթական շրջանում և արար աշխարհագիրները այն բաժանում էին երեք շրջանների՝ ժանում էր խալիֆայության հյուսիսային լուսարբայության կազմի մեջ: Այդ լուսարբայությունը ընդգրկում էր Արմինիան (Հայաստան, Վիրք, Աղվանք, Շիր-վան, Դարբանդ), Ատրպատականը, Վերին Միջագետքը և Փոքր Ասիայի սահ-մանամերձ շրջանները: Ամրոց Զադիրայի մայրաքաղաքն էր Մոսուլը: Արքայ-յանների օրոք այն բաժանվեց վարչական երկու բաժանումների՝ Մոսուլ (ալ-Մաուսիյ) և Զադիրա, ՏԵՄ Ա. Տեր-Ղևոնդյան, Արարական խալիֆայության հյու-սիսային լուսարբայությունը.— «Մերձավոր և Միջին Արևելքի երկրներ և ժողո-վուրդներ», 3, արարական երկրներ, Երևան, 1967 թ., էջ 164: Տե՛ս նաև նրա Архе-ния и арабский халифат, Ереван, 1977, с. 152:
- Արարական նվաճումներից սկսած դեպի այս տարածքը սկսվեցին արարական զեղերի նոր արտագաղթեր: Նրանցից մի մասը Օմար խալիֆայի օրոք (634—644 թթ). ակտիվորեն մասնակցություն հանդես բերեց նվաճումներին: Զադիրա-յում արարական զեղերի քաղաքական ու տնտեսական կշիռը մեծացավ Օմայան-ների օրոք, երբ վերջիններս կողմից սկսվեց Միջագետքի գաղութացումը:
- 71 حسن الهمداني، وصاف جزيرة العرب، القاهرة، ١٩٥٢، ص ١٣٣
- 72 Ibn Hukal, p. 114:
- 73 նույն տեղում, էջ 156:
- 74 المسعودي، مروج الذهب، ج ٢، ص ٢٥١
- 75 նման երևույթ նկատվում է նաև մեր օրերում: Իր ճառերից մեկում ժամանակին Իրաքի պրեզիդենտ Արդ ալ-Քարիմ կասիմը բացեիքաց հայտարարություն է ա-րել զրդերի և արարների նույն ծագման մասին: Տե՛ս العزب الشيعة في العراق.
٢٩. املسا لة الكردية، بغداد، ١٩٧٣، ص ٢٩
- 76 Ed-Dimichqni, p. 254—255:
- 77 նույն տեղում: